

Transkription von Urkunde SAW 1495c

Ort, Datierung: Salzwedel, 1495-07-31

Signatur: Stadtarchiv Salzwedel, 155/53

Inhalt: Rat der Stadt Salzwedel: Rentenbeleg

Wÿ Hans Rodensee Diderik almgkstedē Diderick Breuitze Ludeke holttorp Otto vinczelberg /
Herman lijsten Hans Besendal Hoyger wittekop Jacob alem wilhelm wolter Hans groteian / Herman
chuden Hans meryn Diderik chuden Kersten hinrekes Gherke Rademyn Hans / gusseuelde vnd(e)
Hinrik milges Ratma(n)ne to Soltwedel Bekenne(n) apenbar(e) mit dessem(e) breue / thugende vor
alszwem(e) dat In vnser Jegenwardicheit Bernt Moller vnse medeborgher hefft / vorkofft recht vnd(e)
redeliken to eynem(e) recht(e)n erffkope vorkofft ok in crafft disses breues / vp vnd(e) an synem(e)
kampe vor dem(e) Bockhorniger dare twysscher der wynt molle(n) vnd(e) / dem(e) Bockhornighe
belegghen dem(e) Erafftigher her(e)n Theodorico Riesteden Prester vnd(e) / den hebber dusses breues
mit syne(n) willen twe mark pe(n)ninghe jarliger rent(e)n vnser / Stad weringe vor veertich mark
pen(n)i(n)ge der sulften weringe de em(e) wol to Dancke / vornūget vnd(e) betalet syn Disse twe mark
pen(n)inge Jarliger renten wil vnd(e) schall Bernt moller / vpg(e)n(an)t vnd(e) synes kampes besitter(e)
Den erbenom(e)den her(e)n teodor(i)co Riestede vnd(e) syne(n) mede/to bescreue(nen) all Jarlikes to
vijr tijden des iares Alse to winachten to paschen to su(n)te Joha(n)nis / daghe midde(n)somer(en)
vnd(e) tho sunte Michaelis daghe to ichliker tijd Achte schillingk pen(n)inge / der vorgescreue(nen)
weringe sunder vartoch vnd(e) weddersprake entrichten vnd(e) botalen Doch / den suluen Bernd
Moller vnd(e) den b(e)sitter synes kampes Den wedder(e)kop hijr ann(e) tobeholdende / Alsze wanner
on dat so bequem(e) sÿ De(n)ne moghen vnd(e) schollen sie den vpgenom(e)den her(e)n / teodor(i)co
vnd(e) syne(n) medetobescreue(nen) Sodan(e) veerthÿch mark pen(n)inge houetsu(m)men mit allen /
bedageden nastellighen rent(e)n vull vnd(e) all entricht(e)n vnd(e) betalen vnd(e) alsede(n)ne
scholle(n) om(e) / vnd(e) synes kampes besitter sodan(e) twe mark pen(n)inge jarliker rent(e)n wedder
losz qwijld vnd(e) / fryg vnd(e) dusse breff machteloos syn To orkunde hebben wy vnser olden stad
Ing(esegel) witlik(e)n / hangen heten an dissē breff Nha cristi vnser her(e)n gebordt verteynhundert
Jar dar(e) na / Im(e) vijff vnd(e) negentigesten Jare Amm(e) frigdage sunte petri ad vinc(u)la auende /